

# MAJLIS PENYERAHAN WATIKAH PERLANTIKAN MAJLIS PERWAKILAN PELAJAR SESI 2007/08

2 Oktober 2007 - Majlis Perwakilan Pelajar (MPP) baru Universiti Malaysia Perlis (UniMAP) dinasihatkan agar sentiasa sentiasa berfikiran positif dan realistik dalam usaha untuk mencorak hala tuju pelajar UniMAP dalam apa jua perkara. Perkara itu disuarakan sendiri oleh Naib Canselor UniMAP, Y.Bhg. Kol. Prof. Dato' Dr. Kamarudin Hussin ketika berucap pada Majlis Penyerahan Watikah Perlantikan Majlis Perwakilan Pelajar, Sesi Akademik 2007/08, di Hotel Park Royal, Pulau Pinang, 2 Oktober 2007 lalu. "Tanggungjawab dan kewajipan yang diberikan kepada MPP ini adalah satu amanah yang mesti ditunaikan dan hanya mahasiswa yang memiliki jiwa yang besar, berfikiran matang dan berpandangan jauh mampu memikul dan melaksanakan tanggungjawab mereka dengan baik."katanya.

Turut hadir, Ahli Lembaga Pengarah UniMAP, Y.Bhg Datuk Mohd Sofi Osman, Timbalan Komander Rejimen 509 Leftenan Kol. Toh Choon Siang. Katanya lagi, sebagai golongan muda yang agresif, bersemangat dan bertenaga, MPP diharap agar dapat menyumbangkan pendapat-pendapat yang membina terutama sekali dalam perkara yang berkaitan rakyat dan negara.



Pada majlis tersebut, seramai 23 muka baru MPP menerima watikah perlantikan bagi sesi akademik 2007/08. Yang DiPertua MPP, Mohd Alwie Mohd Syaiful Yapp,19, berkata, fokusnya adalah untuk menjalinkan hubungan yang lebih rapat dengan MPP dari universiti-universiti yang sedang membangun seperti Universiti Malaysia Kelantan (UMK). "Selain itu, barisan baru MPP ini akan berusaha merancang program untuk mewujudkan suasana pembelajaran yang lebih kondusif kepada mahasiswa UniMAP dengan tunjuk ajar dari mantan-mantan MPP sebelum ini,"katanya lagi.

Kata pelajar tahun dua Pusat Pengajian Kejuruteraan Pembuatan itu lagi, beliau dan semua MPP baru ini akan terus berusaha menyambung perjuangan yang dimulakan kakak dan abang mereka untuk menjaga kebajikan pelajar. 23 MPP baru itu dipilih menggantikan muka lama selepas menang tanpa bertanding pada pilihanraya kampus yang berlangsung pada 26 September hingga 2 Oktober lalu.

